

schal not haue charite: it profiteþ to me no þing/ charite is pa-
 cient/ it is benyngne (or of good wille)/ charite enuyeth not
 it doith not gile: it is not inblowen (with pride): it is not ambi-
 cius (or coueytouse) of worschipsis: it sekith not þo þingis þat
 ben here owne/ it is not stiride to wrapþe: it þenkith not euyl:
 it ioyeth not on wickidnesse: forsoþe it ioyeth to gedir to treuþe/
 it suffriþ alle þingis: it bileueth alle þingis/ it hopith alle þin-
 gis: it susteyneth alle þingis/ charite fallith not doune/ wherþer
 prophecies schulen be voydide: oþer langagis schulen ceese:
 oþer science schulen be distrupede/ forsoþe of partie wee hane
 knowen: and of partie we prophecien/ forsoþe whanne þat schal
 come þat is parsite: þat þing þat is of partie schal be aboydide/
 whanne I was a litil childe: I spac as a litil childe: I vndir-
 stode as a litil childe/ forsoþe whanne I was made a man: I
 aboydide þo þingis þat weren of a litil childe/ forsoþe we seen
 now by a myrour in dirkenesse: þanne forsoþe face to face/ now
 I knowe of partie: þanne forsoþe I schal knowe: as & I am
 knowen/ now forsoþe dwellen seiþ: hope: charite/ þes þre:
 forsoþe þe more of hem is charite//